


齋
經
科
註



80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

佛說戒律科註

吳優婆塞支謙

門 承叔男智旭 科註

南山律宗平林辯論
撰此律宗高僧
好對論論斷
東晉法苑珠林
卷第五是禮讚

先相二重玄義第釋名第一
名者此律在家二眾弟子年三月

32848

六所父名爲八關戒齊或開爲九今合爲八

殺等名戒不非時食名齋而題獨稱齋者以別

法總舉體以攝支也復次齋亦名戒佛

C40
4514
(101)

C40-4514

丁亥有座請大藏及有
家書置之武州紫雲山
我微笑塔院直府中永
為學志不敢許出院內
當山二世鐵牛機謹誌



B 64853

佛說齋經科註

吳 優婆塞支謙 譯經

明 求寂男智旭 科註

將釋此經兩番玄義。一附文。二跨節。一附文者。畧

如菩薩戒義疏。先出三重玄義。第一釋名。第二出

體。第三料簡。釋名者。此據在家二眾弟子。年三月

六所受名。為八關戒齋。或開為九。今合為八。以不

殺等名戒。不非時食名齋。而題獨稱齋者。舉別以

該總。舉體以攝支也。復次齋亦名戒。佛所制。故戒

亦名齊。齊三業。故身齊則無穢惡。口齊則無諸過。心齊則無煩惱諸漏。夫一日一夜秉志虔誠。內以五念淨其志意。外以八支束其身口。三業道淨出世正軌。此則因緣所生義也。內不見有受齋之我。外不見有授法之人。中亦不得所受之法。而一心修習不懈不退。無有猶豫。此則卽空義也。依此齋法。遂有十界因果不同。所謂或信不信。或受不受。或持或毀。或著相受持。或離相受持。或但自爲。或爲衆生。或不究竟。或令究竟。此則卽假義也。一日

一夜性非分割。八支五念體是法界。能持所持若事若理。當體絕待。舉一全收。故曰齊之爲言。齊也。海印炳現。橫徧豎窮。更無一法而不周備。乃名爲齊。此則卽中義也。欲令易解。作此次第分別。得意爲語。因緣卽中。空假亦然。佛說及經。具如常釋。第二出體者。正以不非時食而爲齋體。餘支助成。蓋生死正因。無如孀欲。生死增上勝緣。無如飲食。是故經云。一切衆生皆依孀欲而正性命。又云。一切衆生皆依食住。而在五戒。未能永捨家業眷屬。

緣累故令於六齋日受此八關戒齋一日一夜。種
未來世永出因緣。以齋爲體。則簡下非終身五戒
上非沙彌十戒。據此所受一日一夜戒之與齋亦
發一日一夜無作善色。以從清旦秉受之後。法爾
止惡行善。法爾出生無漏功德故也。第三料簡者。
有六種人。得受此齋。謂菩薩近事男女。若年三月
六不受此齋。得失意罪。半滿諸戒。及但三歸近事
男女。於年三月六。應受此齋。作出世因。八部鬼神
及畜生解語者。亦得秉此齋法。冀脫苦輪。有九種

人。受不成齋。謂受菩薩戒而根本破者。及比丘比
丘尼。式叉摩那。沙彌沙彌尼。優婆塞優婆夷。已破
根本戒者。及受此一日一夜齋法。而被根本四重
戒者。皆不堪受。或依大乘懺悔得見好相。仍任更
受也。受此齋法。須一出家人。爲作證明。不問大小
兩乘五衆。但令畢世不非時食者。便可爲師。設數
里內。決無其人。或可對經像前自誓。秉受耳。
二跨節者。復爲五重。謂單法爲名。實相爲體。出世
正因爲宗。生天泥洹爲用。置毒酪中爲教相。初法

齊論 卷之三
爲名者所謂齋也。齋是齊義。心佛衆生三無差別故名爲齊。逃此一心上齊諸佛。故殺盜媾妄飲酒嗜食。耽染五塵。不知慚愧。逃此一心下齊舍識。故於平等法中。生自他相。起愛起見。著我損人。逃此一心全體中道。故或犯事殺。或犯理殺。或犯事盜。或犯理盜。媾妄飲食華香樂座。無不皆然。致成十界因果差別。今了知法性無染。離五欲過。隨順修行尸波羅密。入支五念。若事若理。具足清淨。遂令身口意業契會中道。上合諸佛慈力。下同衆生悲。

仰名之爲齋。文云。晝一日一夜持心。如真人。乃至如清淨戒。以一心習。此之謂也。次實相爲體者。原此一經出自阿含。應同三印。若無三印。便成牧牛及尼犍齋。繇有三印。成佛法齋。而今旣秉法華。開顯至教。須知三印實惟一印。以生死涅槃無二體故。若歷法廣明者。不殺戒護念一切體。是無緣大慈。不盜戒。無所損惱。體是無緣大悲。不媾戒。清淨無染。體是離垢梵行。不妄語戒。正直誠信。體卽真如。不飲酒戒。心無放逸。體卽靈智。不著香華戒。離

諸偽飾體是清淨莊嚴。不歌舞戒寂諸喧掉。體是禪那。不好牀戒離憍慢意。體是諸法空座。不非時食戒中道之外夏無所須。體是究竟種智。念佛者體卽般若。念法者體卽法身。念衆者體卽解脫。念戒者體是三聚。亦卽三德。念天者體是第一義諦。一日一夜。體亘古今。如此皆是實相異名。故直以實相爲正體也。次出世正因爲宗者。世有三種。一同居世間。二方便世間。三實報世間。持卽空齋。是出同居正因。持卽假齋。是出方便正因。持卽中齋。

是出實報正因也。次生天泥洹爲用者。生天是近果。泥洹是遠果。復次有果報天。淨天。第一義天。持此齋者。悉得生之。有圓淨泥洹。方便淨泥洹。性淨泥洹。持此齋者。終皆得之。次置毒酪中。爲教相者。如初爲提。謂說五戒法。已多密悟。無生法忍。此胡不然。況今行者。秉法華意。而受此齋。安得不於齋中見佛性。住秘藏耶。是事可知。無俟廣說也。

入文爲三。初序分。二正宗分。三流通分。
①初序分二。初證信。二發起。
②今初

聞如是。一時佛在舍衛城東丞相家殿。
證信有五句。一聞。二法體。三時。四主。五處所。畧無
同聞。凡受齋法。或至僧伽藍中。或請一師至自家
中。今卽家中受也。

乙二發起

丞相母名維耶。早起沐浴著綠衣。與諸子嬪俱出。稽
首佛足。一面坐。佛問維耶沐浴何早。對曰。欲與諸嬪
俱受齋戒。

在家二衆俱應受齋。今丞相母爲發起者。女人役

役家業。兼受尤難。舉難以顯易也。又優婆塞受齋
就寺爲便。優婆夷受齋就家爲便。維耶未見翻譯。
綠衣者在家常服。旣無妨於八支。故不特制壞色。
若已受菩薩近事戒。畜無縫三衣者。於受齋日應
得著之。

甲二正宗分二。初扣機。二正示。乙初中二。初佛

反扣。二當機請。丙今初

佛言。齋有三輩。樂何等齋。

輩者類也。齋法是同。祇緣兼受心異。遂成三別。不

可不審擇其所樂。蓋志樂愛見正法亦邪。志樂大明。福乃無極。

丙二當機請

維耶長跪言願聞何謂三齋。

乙二正示二。初列名。二各釋。丙今初

佛言。一為牧牛齋。二為尼犍齋。三為佛法齋。

依愛同於牧牛。依見同於尼犍。斷除愛見而修八

支五念名為佛法也。尼犍此云離繫。外道之名。

丙二各釋二。初畧釋二非。二廣釋一是。丁初中

夫二。初釋牧牛齋。二釋尼犍齋。戊初中三。初標

二釋。三結。巴今初

牧牛齋者。

巴二釋又二。初喻。二合。庚今初

如牧牛人。求善水草飲飼其牛。暮歸思念。何野有豐

饒。須天明當復往。

喻此日雖從佛法受齋。而不持心八支。不習學五

念。乃懸想次日五欲。猶如牧牛者懸想明日水草

也。例而推之。今生奉持佛戒喜願未來人天受樂。

皆如牧牛。

庚二合

若族種男女已受齋戒意在居家利欲產業及念美飲食育養身者是爲如彼牧牛人意。

雖受齋戒不思出世八支五念法門。緣墮愛網故如牧牛。

巴三結

不得大福非大明。

夫一日一夜齋戒之法。本是出世正因。而心期五

欲。愛網自纏。譬如以摩尼寶僅貿一衣一食。故不得出世大福。緣無出世大智光明。迺使心期陋劣。如此故結判云非大明也。

戊二釋尼犍齋三。初標。二釋。三結。巴今初。

尼犍齋者。

巴二釋又二。初正釋。二出過。庚今初。

當月十五日齋之時。伏地受齋戒。爲十由延內諸神拜言。我今日齋。不敢爲惡。不名有家。彼我無親。妻子奴婢非是我有。我非其主。

爲者向也。由延亦云由旬四十里也。向諸神拜不
知歸向三寶故也。然不敢爲惡等。雖不徧列八支。
大意亦與佛戒相似。故下方正出其過。

庚 二出過

然其學貴文賤質。無有正心。至到明目相名。有如故
事。

夫既不名有家。彼我無親。則與佛法何異。而僅稱
尼。捷齋者。非但爲其不知歸憑三寶。良以其學貴
文賤質。無有正心故也。貴文者。致飾於外。以圖悅

人耳目。賤質者。不知真修實詣。反本還源也。直念
真如名爲正心。不脫見網。名無正心。見惑旣紆。愛
習仍在。故至明日。仍如故事也。然外道所以貴文
賤質。無有正心者。良繇不知三寶出世法門。今雖
歸憑三寶。而不圖出要。仍復貴文賤質。當知同彼
外道尼捷。若細分之。應作四句。一者不歸三寶貴
文賤質。卽真尼捷。二者不歸三寶質直好義。卽此
土儒宗。祇因未達三寶法門。故不歸憑。未有質直
正心之士。遇三寶而不歸者也。三者歸向三寶質

直正心。卽是真佛弟子。四者雖歸三寶。貴文賤質。卽是附佛法之外道。以例推之。受戒者貴彰持律之名。而性遮諸業。未必微細清淨。演教者貴彰弘法之名。而修證要途。未必精徹明了。叅禪者貴彰機用之名。而已躬下事。未必窮源極底。修懺者貴彰音聲儀式之名。而事戒理觀。未必深諳力行。皆尼健流類耳。若約教論文論質及論正心。則九界皆名尼健。

③三結

齋如彼者不得大福非大明。

謂雖受佛齋而如彼之貴文賤質無有正心。則似置醞酬於毒器。何能養人。非出世福慧也。

①次廣釋。一是三。初標。二釋。三結。②今初。

佛法齋者。

③二釋中。二。初八戒。次五念。④初又二。初示日

期。二釋戒相。⑤今初。

道弟子。月六齋之日受八戒。

道弟子。謂在家秉承佛道之弟子也。從但三歸至

齊經科論
菩薩戒在家二衆俱得此名。月六齋日者。初八日。十四日。十五日。二十三日。二十九日。三十日也。若月小者。取二十八日足之。此六日是四天王及太子使者巡視世間之日。受齋修福。功倍餘時。不言年三長齋月者。月齋稍難。容可隨力。日齋最易。尤應秉承。年三月者。正月。五月。九月。毘沙門天王分鎮南洲。亦應受齋修福也。八戒具如下列。或開香華歌儺爲二。則第九不非時食。獨得齋名。開合雖殊。義體無別。或者難曰。爲善去惡。理應相續。若但

制六日。則餘日便可爲惡。若餘日爲惡。待天神巡視而後修善。不幾爲小人之掩不善而著善乎。君子視之。已見肺肝。謂天神而可欺乎。答曰。夫受六齋者。非謂平日便可爲惡也。大戒五戒乘之終身。八關戒齋。加於六日。譬如列國諸侯。平日何嘗不修政布德。士農工賈。平日何嘗不勤職務業。迨夫巡狩省試之期。亦必倍加警飭。故焚網有不敬好時之戒。而善生經中。亦制不受六齋。得失意罪。良有以也。此爲菩薩增上功德。亦爲近事種出世因。

齊經科論
下乃旁爲一輩多罪衆生。雖不能相續修善。亦使之暫離惡業。倘馴而致之。萌孽漸生。牛羊弗牧。安知不蔚爲牛山美木耶。孔子曰。有能一日用其力於仁矣乎。吾未見力不足者。又曰。一日克己復禮。天下歸仁焉。一日齋戒。亦如是矣。縱令上根者少。而日月至焉。亦猶愈於皓亾不反者也。故知如來立法。普利三根。或不遠而休復。或頓厲而无咎。或與進而不與其退。與潔而不保其往。顧受者自審何如耳。

○庚二釋戒相八。第一殺戒。至第八非時食戒。

○辛第一殺戒

第一戒者。盡一日一夜。持心如真人。無有殺意。慈念衆生。不得賊害。螻動之類。不加刀殺。念欲利安。莫復爲殺。如清淨戒。以一心習。

釋此戒相各爲三意。一因緣。二約教。三觀心。因緣釋者。夫衆生習性各有所好。喜長時者。爲說長時。或盡形壽。或盡未來。喜短時者。爲說短時。或一刹那。一念一日。七日一年等。今言盡一日夜。卽是隨

樂欲說。夫八支淨戒。雖則甚易。亦復甚難。盡一日夜。則雖難而易。不得半日及半夜等。則雖易而難。故以一日一夜而爲分劑。不減不增。人可信受。信受卽皆歡喜。世界悉檀也。善法易成。則善心必生。爲人悉檀也。制有定限。罔敢虧違。則惡意必滅。對治悉檀也。涅槃名目。生死各夜。涅槃卽生死各盡一日。生死卽涅槃各盡一夜。日夜俱盡。生死涅槃兩不可得。則坐斷三世。豁然入理。第一義悉檀也。持心如真人者。阿羅漢翻無著。亦翻不生。亦翻應

供。亦翻應真。今翻真人。此乃出世聖果。而持心如之。以凡如聖。人所樂聞。世界悉也。如聖成就善法。卽爲人益。如聖不作諸惡。卽對治益。我如真人。如一如無二如。卽入理益。無有殺意者。猶如真人。永斷殺習。此總標也。慈念衆生。別明行善。不得賊害等。別明止善。念欲利安。申明行善。莫復爲殺申明止善。止行二善名爲諸佛清淨之戒。今以一心而修習之。故得名爲持心如真人也。次約教釋者。時無實法。依於色心分位假立。則有日月歲劫之殊。

日出名晝。日沒名夜。是中無我。我所。藏教意也。日無出沒晝夜性空。通教意也。時既性空。故可延一日以爲永劫。亦可促永劫以爲一日。令諸眾生各別知見。別教意也。十世古今。始終不離當念。一刹那性。卽是亘古亘今之性。不見有法出於一日一夜之外。名盡一日一夜。圓教意也。斷盡見思。名爲真人。不殺生緣。成生緣。慈名清淨戒。藏教意也。見思如虛空。不可得名爲真人。不殺法緣。成法緣。慈名清淨戒。通教意也。斷盡三惑。名爲真人。不殺生

緣。不殺法緣。不著我緣。次第成就三慈。名清淨戒。別教意也。三惑之性。卽三般若。體惑成智。名爲真人。不動佛性。成無緣慈。名清淨戒。圓教意也。三觀心釋者。先觀心因緣。夫長時短時。悉惟是心。心謂是長。則短時亦長。如黃梁未熟。已過名關。心謂是短。則長時亦短。如斧柯已爛。未終一局。了知長短。惟是自心。則能隨意建立長短。是觀心世界。悟長非長。故無量劫中。習行諸度。不生懈倦。是觀心爲人。知短非短。故剎那造罪。殃墮無間。不敢放逸。是

觀心對治。長短皆是法界無復長短可論。盡一日一夜。卽是盡生死涅槃之本際。是觀心第一義也。觀心本自可爲真人。發意如之。是歡喜益。成就善種。三業似聖。是生善益。觀心遠離垢穢。不與聖違。是滅惡益。觀心成就聖道。實無聖道可得。是入理益。次觀心約教者。觀心無我所。時劫亦然。愛見則斷。如於真人。藏教意也。觀心猶如虛空性。不可得。時劫愛見皆同虛空。如於真人。通教意也。觀心假名無量。時劫差別亦復無量。智斷證得亦復無

量。如於真人。別教意也。觀心絕待體。是法界。時劫惑智無非法界。如於真人。圓教意也。觀一念心。具足半滿。權實諸法無欠無餘。安得不約觀解申此八支五念之實義耶。

⑤ 第二盜戒

第二戒者。盡一日一夜持心如真人。無貪取意。思念布施。當歡喜與。自手與。潔淨與。恭敬與。不望與。却慳貪意。如清淨戒。以一心習。

三釋例前可解。下皆做此。無貪取意。先明止善。思

念布施等。次明行善歡喜等四句。具四悉意。歡喜卽世界。自手。卽爲人。生他善故。潔淨。卽對治遠離惡故。恭敬。卽第一義觀生如佛故。次不望句。卽行論止。謂與時無有望。今報後報心也。歡喜四句。是却慳心。不望與句。是却貪心。慳財。慳法。貪有貪空。貪二邊。貪中道等。悉皆却除。是名諸佛清淨之戒。

第三媯戒

第三戒者。一日一夜持心如真人。無媯意。不念房室。修治梵行。不爲邪欲。心不貪色。如清淨戒。以一心習。

無媯意二句。先明止善修治梵行。次明行善。梵行者。四禪四等也。不爲邪欲二句。重明止善。媯名貪染。染男女染味禪染。偏真染。幻有染。但中。諸悉無。名無媯意。人間房室。色無色界房室。有餘房室。果報房室。皆悉不念。名爲不念房室。知禪卽空。卽假卽中。成就生緣法緣無緣慈等。名爲修治梵行。心外取法。皆名邪欲。九界善惡漏無漏法。皆名爲色。一切不貪名清淨戒也。

第四妄語戒

齊經手言
第四戒者。一日一夜持心如真人。無妄語意。思念至誠。安定徐言。不爲僞詐。心口相應。如清淨戒。以一心習。

無妄語意。總標永離四過。思念至誠。卽無未得言得諸愆。安定。卽不綺語。徐言。卽不惡口。不爲僞詐。卽不兩舌。心口相應。卽不妄言。皆舍止行二善之意。可以思得。

辛 第五飲酒戒

第五戒者。一日一夜持心如真人。不飲酒。不醉。不迷。

亂。不失志。去放逸意。如清淨戒。以一心習。

不飲酒句。總標離衆失也。醉及迷亂。皆飲酒必招之過。失志放逸。則飲酒之流類也。充類至盡。於三土六塵咸無放逸。方名清淨戒耳。

辛 第六香花歌儻戒

第六戒者。一日一夜持心如真人。無求安意。不著香華。不傳脂粉。不爲歌儻倡樂。如清淨戒。以一心習。

色聲香觸等塵。乃六情諸根所安。今關閉六情。專求出要。故不著不傳不爲也。例而推之。迦葉聞琴。

起舞猶是界外思惑未除。必三土香華歌舞皆悉不著不爲。方名清淨佛戒。

⑧第七高廣大牀戒

第七戒者。一日一夜持心如真人。無求安意。不臥好牀。卑牀草席。捐除睡眠。思念經道。如清淨戒。以一心習。

高廣嚴飾。名爲好牀。縱恣睡眠。小死無異。今捐除睡眠。卽是止善。思念經道。卽是行善。以例推之。有法可倚可著。皆名牀臥。謹諸法空。無住爲住。斯名

清淨戒矣。

⑨第八非時食戒

第八戒者。一日一夜。持心如真人。奉法時食。食少節身。過中日後不復食。如清淨戒。以一心習。

此正名齋。例須三釋。初因緣者。佛真法身。非俟食養。應身同人。示資飲食。日輪當午。慈哀受供。十方善逝咸然。三世如來一轍。順諸佛法。人所樂聞。世界悉也。以時受食。資身辦道。身無病苦。心得安閒。爲人悉也。離舌端貪嗜之過。無數數管理之煩。減

齋續科論
食節身。婦意漸薄。對治悉也。日中以表中道。中道之外。更無所需。第一義悉也。約教者。隨界隨洲。用人間法。一線若過。禁不復咽。藏教意也。時雖本空。如幻分別。午食尚無味。著過中。豈更貪求。了卽空。故不起犯心。通教意也。依破齋故。出生三惡趣果。依持齋故。出生善道。及三乘果。誓以此齋。自利利他。上求下化。莊嚴中道。趣會極果。別教意也。中道卽是法界。一止一作。亦皆法界。午前而食。願令法界衆生。咸得契會中道。午後不食。願令法界衆生。

永不逆背中道。繫緣法界。一念法界。圓教意也。觀心者。根塵相對。皆有食我。如眼以睡爲食。耳以聲爲食等。若墮聰黜。便成斷滅。見網若尋聲逐色。又復流浪愛河。今云時食。則但緣現量。復云少食。則無所貪求。既不永乖物情。亦不令他憎惡。卽觀心世界。法食資神。卽觀心爲人。斷非法食。卽觀心對治。契會中道。卽觀心第一義也。六塵無我。我所非斷。非常名爲中道。心不緣斷。常非法之食。名不中道。藏教觀也。六塵性空如幻。非有非無。名爲中

道心不緣有無二邊之食名不過中。通教觀也。六塵各各互生諸法具造十界而性非十界。迥出二邊。名爲中道。心不取生死涅槃二諦之食名不過中。別教觀也。六塵體卽法界具足百界千如。隨舉一塵。一切法咸趣此塵。是趣不過。不於此一塵外別有少法可得。名不過中。如一塵。一切諸塵亦復如是。如一切塵。一切諸心諸法諸假名等亦復如是。無不當體卽中。不見有法出過於中。名不過中。圓教觀也。如此諸觀皆依不非時食而爲事境。若無事境。理觀不發。故荆溪云。世人蔑事而欲尚深理者。驗知此觀孤虛無本。旣虧觀境。觀亦安從。噫。可以思矣。

②次五念二。初標徵。二解釋。庚今初。佛告維耶。受齋之日。當習五念。何謂五。

庚二解釋五。初念佛。至五念天。辛初中二。初示念境。二明念益。壬今初。

一當念佛。佛爲如來。爲至真。爲等正覺。爲明行足。爲善逝。世間父。無上士。經法御。天人師。號曰佛。

示念境中。畧明十號。若知十號功德。則知佛位一切高廣功德。亦須畧以三釋明之。初因緣者。如世間聖賢亦多嘉號。聰明睿智。神聖英哲等。如天帝釋有千名字。隨德立號。令衆樂聞。廣則具如雜華名號品。今畧舉通號十種。以彰具德。世界悉也。若聞如來十號。能生世出世間種種善根。爲人悉也。十號威德。能令聞者破狹劣心。破輕慢心。敬仰畏憚。不敢萌於惡意。對治悉也。一名號實義相應。聞名識義。不復遠求。第一義悉也。梵語多陀阿伽

度。此翻如來。若云無所從來。亦無所去。故名如來。卽約法身釋也。若云如法自性來成。正覺卽約報身釋也。若云乘如實道來度衆生。卽約化身釋也。梵語阿羅訶。此翻應供。亦翻應真。今翻至真。爲世福田。故名應供。冥自真性。故名至真。繇冥真故。堪作世祐也。梵語三藐三佛陀。此翻正徧知。今翻等正覺。等卽徧義。具明差別法門。名之爲等。此異二乘。深知無差別性。名之爲正。此異凡外也。具足三明。爲明行足。妙超三有。名爲善逝。世間父亦名世

齋經科論
間解。自己解脫能解世間。如長者自出火宅。能令諸子出火宅也。一生補處猶爲有上。位極妙覺。更無過者。名無上士。經法御亦名調御丈夫。具丈夫法。乃能說經調御衆生也。六道以天人爲勝。又三乘聖衆皆在人道。天中佛爲天人師範。卽九界同秉教誨也。自覺覺他覺行圓滿。故號曰佛。不言世尊者。十號具足。卽是世間最尊。舉別而畧總也。次約教者。偏真無去來相。證於偏真。以此度生。爲如來。等知世間諸法。正知出世涅槃。爲等正覺。具知

過現未來。爲明行足。超脫三有名善逝。脫六凡之縛。爲世間父。在四果支佛之上。爲無上士。說九部十一部十二部經。詮生滅理。調御衆生。爲經法御。同居之尊。爲天人師。自覺偏真。亦以偏真覺他。二覺皆滿名佛。此藏教義也。生死卽真空涅槃。故無來去。證於卽空。以此度生。爲如來。真不異俗。故等。俗不異真。故正。爲等正覺。觀過未現在。性空寂滅。不可得爲明行足。卽三有而不著三有。爲善逝。解脫六凡二乘之縛。爲世間父。在三乘九地之上。爲

無上士說十二部經詮無生理調御衆生爲經法
御同居方便之導爲天人師自覺卽真亦以卽真
覺他二覺皆滿名佛此通教義也中道迥出二諦
故無來去證於中道以此度生爲如來等知二諦
正知中諦爲等正覺極過去際盡現在際窮未來
際悉見悉知爲明行足次第超出同居方便實報
三種國土爲善逝解脫六凡三乘之縛爲世間父
在十地等覺之上爲無上士說十二部經詮無量
理調御衆生爲經法御同居方便實報之導爲天

人師自覺三諦亦以三諦覺他二覺皆滿名佛此
別教義也中道徧一切法故無來去證於圓中以
此度生爲如來覺弟一義諦卽二諦名等覺二諦
卽第一義諦名正爲等正覺十世古今始終不離
當念智入三世而無往來於剎那際三昧中示現
劫海成菩提事八相之中復具八相不可思議爲
明行足三種國土無非寂光爲善逝解脫十界苦
集爲世間父在四十一位法身之上爲無上士說
十二部經詮無作理調御衆生爲經法御四土之

導爲天人師。自覺不思議。一實諦。二諦。三諦。四諦。亦以覺他。二覺皆滿。名佛。此圓教義也。觀心釋者。觀此現前一念之心。不在內外中間諸處。非有青黃長短等相。去來現在求不可得。而了了明明。數數生起。是爲如來。此心既無方隅相貌。過現未來。則本無幻妄。是爲至真。此心徧知一切諸法。無有一法可喻此心。爲等正覺。此心無始無終。亦無邊際。爲明行足。此心徧造十界。而終日隨緣。終日不變。是爲善逝。此心不被十界之法所縛。而能出生。

十界諸法。爲世間父。此心能等一切諸法。而無一法能等此心。爲無上士。此心具足覺觀語言之道。一心曉訓餘心心所。爲經法御。此心能天能人。而非天人。之所能爲。爲天人師。此心法爾靈知不昧。覺了自他。無有不盡。故號曰佛。初觀此心。具足十號。上等諸佛。慶已慶他。卽世界益。觀心具足十號。成就善根功德。卽爲人益。觀心具足十號。破壞見愛。無知無明。卽對治益。觀心具足十號。一具足一切具足。究竟平等。不減不增。卽第一義益。約因緣。

所生法觀。則此心具足藏教十號。約卽空觀。此心具通十號。約卽假觀。此心具別十號。約卽中觀。此心具圓十號也。

⑤二明念益三。初正明二喻顯三法合。

是念佛者愚癡惡意怒習悉除。善心自生。思樂佛業。佛既有四教三身十號之不同。念亦有四教。念自念他。雙念自他之差別。若欲委知。具如大佛頂經。勢至圓通文句云。愚癡惡意怒習悉除。卽是止善。善心自生。思樂佛業。卽是行善。於止善中舉舉

破壞三毒。言惡意者。卽是貪染五欲之毒。三毒有正有習。正習悉除。所謂千年闇室。一燈能破也。念法門。能除愚癡。念實相。能除惡意。念相好。能除怒習。此猶對當爲語。盡理言之。念念皆除三毒。正習於行善中善通因果。佛惟在果。言善心自生者。生離欲心。生出世心。生下化心。生上求心。生究竟無上種智之心。言思樂佛業者。三聚淨戒是佛業。百八三昧是佛業。三智五眼是佛業。大慈大悲大喜大捨是佛業。安住真如是佛業。同流九界是佛業。

誘化一切是佛業。依藏教念自佛念他佛念自他
佛除同居三毒正習。生離欲及出世心。思樂藏教
果佛種種妙業。依通教三種念佛除同居方便三
毒正習。生出世及下化心。思樂通佛妙業。依別教
三種念佛除同居方便實報三毒正習。生下化及
上求心。思樂別佛妙業。依圓教三種念佛除四土
三毒正習。生究竟無上種智之心。思樂圓佛妙業。
問寂光那有三毒正習答。此約分證寂光言也。此
文亦具四悉檀意。念佛卽世界。三毒除。卽對治。善

心生。卽爲人樂佛業。卽第一義也。

◎二喻顯

譬如以麻油澡豆沐頭。垢濁得除。

麻油澡豆。除穢之物。喻四教念慧。皆除惑之具也。

依於一體三寶。而有住持三寶。於三寶中。佛寶最

尊。喻之以頭。當知住持佛寶。卽吾自體佛寶也。垢

濁既除。頭則清淨。念佛功成。佛性顯現矣。

◎三法合

齋念佛者。其淨如是。衆人見之。莫不信好。

蘇受齋故念佛。蘇念佛得成齋。自淨卽令衆人信好。可見自利爲利他之本。所以君子求諸己也。

④二念法。二。初示念境。二明念益。⑤今初

二當念法。佛所說法。三十七品。具足不毀。思念勿忘。當知此法爲世間明。

佛法無量。而三十七品。具足始終修證途轍。故獨舉之。分爲七科。一四念處。謂身受心法。爲所觀境。二四正勤。謂蘇念處觀。令未生惡不生。已生惡除滅。未生善得生。已生善增長。三四如意足。謂欲念

進慧。於中思惟則定。思惟則斷。善能成就神通。四五根。謂信進念定慧。成無漏根。五五力。亦如根名。謂信等增長。能破五障。六七覺支。謂念擇法精進喜。輕安定捨。調攝其心。不沉不浮。而入見道。七八正道。謂正見正思惟正語正業正精進正定正念。正命安隱。在道中行。此三十七品。四教名數皆同。而觀慧各異。復各有豎入橫具之不同。此能運載三土衆生。到三涅槃。故爲三世間明。所應具足不毀。思念勿忘也。

⑤二明念益三初正明二喻顯三法合 ⑥今初

是念法者愚癡惡意怒習悉除善心自生用樂法業念四教法除四土三毒正習等例前可解

⑦二喻顯

譬如以麻油澡豆浴身垢濁得除

受齋則以法爲身故卽以身喻法昧此法身性本

清淨幻成三惑垢濁垢濁既除法身顯矣

⑧三法合

齋念法者其淨如是衆人見之莫不好信

⑨三念僧二初示念境二明念益 ⑩今初

三當念衆恭敬親附依受慧教佛弟子衆有得溝港

受溝港證者有得頻來受頻來證者有得不還受不

還證者有得應真受應真證者是爲四雙之八輩丈

夫皆爲戒成定成慧成度知見成爲聖德爲行具當

爲叉手天上天下尊者福田

梵語僧伽此翻和合衆今但言衆者以四雙八輩

法爾具足事理二和故也律中明僧有四種一無

慚僧謂破戒者二啞羊僧雖不破戒昧法律者三

清淨僧謂內外七賢及持戒凡夫。四真實僧謂四
雙八輩。今令念真實僧故言恭敬親附。依受慧教
也。恭敬約意。親近約身。受教約口。十六心滿。初登
聖位。名得溝港。猶云預流。卽須陀洹果。八忍具足
智少一分。名受溝港證者。謂無間必當證溝港道。
卽須陀洹向。斷欲界思六品。名得頻來。猶云一往
一來。卽斯陀含果。斷五品時。名受頻來證者。卽斯
陀含向。斷欲界九品。思盡。名得不還。猶云不來。卽
阿那含果。斷八品時。名受不還證者。卽阿那含向。

斷三界惑盡。名得應真。謂與真諦常相應故。卽阿
羅漢果。進斷非非想思。名受應真證者。卽阿羅漢
向。合爲四雙。分爲八輩。輩者類也。具足智斷故名
丈夫。性遮清淨。無作體不可壞。名爲戒成。八解九
次第等名爲定成。見四真諦。名爲慧成。於有爲諸
行得解脫。名爲度成。文缺度成二字。分別解脫。因
果不謬。名爲度知見成。具慧行入正位。名爲聖德。
具行行滿足功德。名爲行具。以要言之。前三果及
四向。是分證五分法身。阿羅漢果是滿證五分法

身也。當爲叉手。結成能念。舉叉手以攝三業。天上天下尊者福田。結成所念。舉福田以顯德行也。然在家菩薩受齋念衆。於真實僧固應三業精勤。於清淨僧亦應禮拜供養。卽啞羊及無慚僧尤不應輕慢毀辱。如象王羅刹尚敬服袈裟者。不害不食。何況歸依三寶。自稱近事淨行者乎。十輪明訓。昭若日星。投鼠忌器。世法可喻。思之慎之。又此四雙五分。且約藏教爲釋。衍門則觀慧雖殊。斷證無別。別圓須約界外。見思法性五陰以辨人法。故知言

雖在小。義實該大。又觀心僧寶者。此心本非色聲香味觸法。名須陀洹。此心刹那生滅。名斯陀舍。此心滅已無朕。名阿那舍。此心四性不生。名阿羅漢。此心性無染汙。爲戒成。此心性不動播。爲定成。此心性不可昧。爲慧成。此心性非有爲名度成。此心徧知有爲無爲諸法。名度知見成。乃至歷四教明觀。可以意得。

⑤ 二明念益三。初正明。二喻顯。三法合。 ⑥ 今初是念衆愚癡惡意怒習悉除。喜心自生。樂衆之業。

大喜心。卽善心也。餘例前可知。

癸二喻顯

譬如以淳灰浣衣。垢汗得除。

淳灰亦譬四教念慧。僧寶屬解脫德。故以衣譬。卽所謂解脫服也。又是慚愧莊嚴。又是寂滅上忍。性具僧寶。如身必有衣。念慧除垢。則解脫清淨。衆德莊嚴。柔和善順矣。

癸三法合

齊念衆者。其德如是。衆人見之。莫不好信。

辛四念戒二。初示念境。二明念益。

四者念戒。身受佛戒。一心奉持。不虧不犯。不動不忘。

善立慎護。爲慧者。舉後無所悔。不以有望。能等教人。

佛戒有七衆九衆大小兩門之不同。今云身受佛

戒。且據一日一夜所乘八支而言。卽此八支戒法。

具攝定共道共及三聚五支等戒。故總誠云一心

奉持也。不虧不犯。卽本又戒。不動卽定共戒。不忘

卽道共戒。又不虧不犯。不動。卽攝律儀戒。不忘乃

至後無所悔。卽攝善法戒。不以有望。能等教人。卽

攝衆生戒。又不虧謂護持四重根本無虧卽根本業清淨戒。不犯謂其餘四支及根本之等流方便皆悉無犯。卽前後眷屬餘清淨戒。不動謂不被欲界麤弊五塵所動。卽非諸惡覺覺清淨戒。不忘謂正念現前。故能善自安立謹慎護持。設爲有智慧者之所舉問。如說能行。如行能說。後無所悔。卽護持正念念清淨戒。不以有望謂不爲自求人天福報。聲聞緣覺權乘諸位能等教人。謂惟依最上乘發菩提心。願與法界衆生一時同得無上菩提。卽

迴向具足無上道戒。祇此一日一夜。八關戒齋爲所緣境於中具足定共。道共。三聚五支。無欠無餘。則爲具足一切恒沙佛法無量功德之藏。齋戒爲法界一切法趣。齋戒是趣不過。是名爲念戒也。一日一夜齋戒橫豎包羅。尚且如此。況終身五戒。況沙彌戒。況比丘戒耶。而世之蔑視戒律。別求圓妙者。不思甚矣。

⑤二明念益三。初正明。二喻顯。三法令。⑥今初是念戒者。愚癡惡意。怒習悉除。喜心自生。樂戒統業。

住持三寶繇戒而存。一體三寶繇戒而證。故華嚴云。具足受持威儀戒法。能令三寶種性不斷。所以名統業也。

○二喻顯
如鏡之磨垢除盛明。

一體三寶佛爲首法爲身。僧爲衣。惟戒能照見之。故戒本云。如人自照鏡好醜生欣感。又云。戒如真寶鏡。照法盡無遺。

○三法合

齊念戒者其淨如是。衆人見之莫不好信。

○五念天二。初示念境。二明念益。

○今初

五當念天。第一四天王。第二忉利天。鹽天。兜術天。不憍樂天。化應聲天。當自念我以有信。有戒。有聞。有施。有智。

果報自然。無所造作。名之爲天。四天王。謂東方持國。南方增長。西方廣目。北方多聞。守護四天下者。居須彌山。墻離地。四萬由旬。忉利天。此翻三十三天。居須彌山頂。四方各八天。中爲帝釋。統御四洲。

離地八萬由旬。鹽天亦云。燄天亦云。須夜摩天。此
翻時分。謂日月光明。上炤不及。身自有光。以蓮華
開合而爲晝夜故。離地十六萬由旬。於虛空中有
地如雲。朗然安住。兜術天亦云。兜率。亦云。觀史。此
翻知足。謂於五欲皆知足故。離地三十二萬由
旬。不僑樂。亦云。化樂。謂隨意化諸樂境。而無僑縱。
離地六十四萬由旬。化應聲天。亦云。他化自在。謂
所受樂境。不假作意。但任運應現故。離地一百二
十八萬由旬。不言色無色界者。且據一日一夜齋

戒功德。能感此等六天果報。故就近而畧明之。此
是念果。次我以有信等。則是念因。緣信三寶及戒
故。受持齋法。不毀故。聞此大明法門故。能以功德
普爲衆生故。正慧了了。不顛倒故。得生此六天中。
受勝妙樂。漸次得涅槃也。六天近在欲界人所樂
聞。卽世界悉。聞六天果。必植善因。卽爲人悉。畏天
視聽。不敢爲惡。卽對治悉。知天無常。發得苦智。無
漏真明。卽第一義悉。同居六天。因緣生法。義屬藏
教。方便淨天。卽空一句。義屬通教。實報義天。次第

證入義屬別教。寂光大涅槃。天當體卽中。義屬圓
教。信法生滅。信法無生。信法無量。信法無作。是有
四教。信持性遮戒。持真諦戒。持俗諦戒。持中道戒。
是有四教。戒聞生滅。詮聞無生。詮聞無量。詮聞無
作。詮是有四教。聞捨有爲法。捨偏空證。捨二邊著
捨中道愛。是有四教。施析法智體法智。次第三智。
一心三智。是有四教。智觀心者。一切世界依心建
立。名持國。一切諸法。繇心出生。名增長。一切法界
一心徧見。名廣目。一切法門。一心普達。名多聞。一

心具足。王所功德。名忉利。一心生死涅槃。以爲晝
夜。名鹽天。不於心外取法。名兜術。一心具足法樂
而無放逸。名不僑樂。一心隨意轉變。而於常樂我
淨。四德無減。名化應聲。自心起信。還信自心。名有
信。隨順無染。法性。名有戒。能觀心性。具足佛法。名
有聞。不於心外取三世法。名有施。知心卽空假中。
名有智。復次五念法門。諸經多明六念。今以念施
攝入念天。又此念天法門。阿含明念六天。謂念繇
十善。故生天。天亦苦空。無常無我。多是藏教意也。

華嚴明念兜率天上。一生補處。大士功德。多是別
教意也。涅槃明念第一義天。多是圓教意也。今經
事同阿舍。而因緣事境。徧爲一切理觀。作本。安得
不深求之。

⑤二明念益三。初正明。二喻顯。三法合。⑥今初
是念天者。愚癡惡意。怒習悉除。喜心自生。樂天統業。
華嚴明十善爲五乘作根本。所以天業統一切也。

⑥二喻顯
譬如寶珠常治清明。

約福德莊嚴以明天業。故如寶珠。寶珠十種瑩治。
則能四洲兩寶。天業數數習念。能助三乘出世善
根。

⑦三法合
齊念天者。其淨如是。

⑧三結三。初正結。二顯勝。三勸持。⑨今初
奉持八戒。習五思念。爲佛法齋。

⑩二顯勝

與天叅德。滅惡興善。後生天上。終得泥洹。

參天德世界也。滅惡對治也。興善生天爲人也。泥洹第一義也。約教可知。

④三勸持

是以智者自力行。由心作福。

不墮愛見名爲智者。不倚他人。名自力行。內外一

如。名出心作福。若不力行。便同牧牛。若不出心。便

是貴文賤質。同彼尼健。智者幸審思之。正宗分竟。

⑤三流通分二。初顯示福報。二信受奉行。

⑥初三。初顯福勝。二示報優。

⑦今初

如是維耶齊之福祐。明譽廣遠。譬是天下十六大國。是十六國滿中衆寶。不可稱數。不如一日受佛法齋。如比其福者。則十六國爲一豆耳。

此文缺畧。應云。是十六國滿中衆寶。以用布施。所得福德。不如一日受齋福德。蓋珍寶布施。祇是後世福樂之因。一日夜齋。決爲出世之因。又珍寶祇是財施齋戒具足法。施無畏施故。

⑧二示報優二。初出果相。二明因相。

⑨今初

天上廣遠。不可稱說。當今人間五十歲。爲第一天上。

一日一夜第一四天上壽五百歲。彼人間九百萬歲。佛法齋者得生此天上。
天上廣遠不可稱說。總標六天報勝也。先出第一四王天相。畧舉壽命長遠以顯福盛。餘經明上品十善得生。此天正法念處。經明不殺功德得生。此天今明佛法齋得生。此天十善是輪王世間正法。不殺是一分優婆塞終身之戒。佛法齋是一日一夜精進功德。皆得感此果報。而齋法果報則不止。此具如下文所明。

人間百歲爲忉利天。上一日一夜忉利天壽千歲。當人間三千六百萬歲。

餘經明上品十善增上得生此天。正法念處。經明不殺不盜功德得生。此天今亦明佛法齋得生也。人間二百歲爲鹽天上。上一日一夜鹽天壽二千歲。當人間一億五千二百萬歲。

餘經明上品十善兼學坐禪得生此天。正法念處。經明不殺不盜不邪嬖功德得生。此天今亦齊法得生。應云一萬萬零四千四百萬歲。恐譯者不善。

方言數目或復傳寫之誤。

人間四百歲為兜術天上一日一夜。兜術天壽四千歲。當人間六億八百萬歲。

餘經明上品十善兼坐禪得欲界細住。乃生此天。

正法念處經明身三口四功德得生此天。今亦齊法得生。應云五萬萬零七千六百萬歲。

人間八百歲為不憍樂天上一日一夜。不憍樂天壽八千歲。當人間二十三億四千萬歲。

餘經明上品十善兼修未到地定。乃生此天。今亦

齊法得生。應云二十三萬萬零四百萬歲。

人間千六百年為化應聲天上一日一夜。化應天壽萬六千歲。當人間九十二億一千六百萬歲。

餘經明上品十善兼得未到地定。乃生此天。今亦

齊法得生。應云九十二萬萬零一千六百萬歲。

① 二明因相

若人有信有戒有聞有施有智奉佛法齋。當命盡時其人精神皆生此六天上。安隱快樂。善衆多。我少說耳。凡人行善。竟神上天。受福無量。

猗輕安也。餘如前釋。

②二信受奉行。二初當機奉行。二大衆信受。

③今初

維耶聞佛語歡喜言善哉善哉。世尊齊之福德甚快無量。願受佛戒。從今以後月六齋日。竭力作福。至死

盡壽名爲死。又無明斷盡名爲死。一約當教。二約

跨節也。

④二大衆信受

佛說經已皆歡喜受教。

能說人清淨故歡喜。佛爲度生而說。永無名利想。故所說法清淨故歡喜。出世正真要門。不同愛見論故。聞法獲勝益故歡喜。現在福樂後生善處。終得大泥洹故。

佛說齋經科註

附受八關齋法

諸經論中皆明八關齋法。蓋以

一日夜戒。齊方爲出世因也。無論已受五戒。未

受五戒。乃至受菩薩優婆塞戒者。皆可隨意受

持戒六齋日。或生日。諱日等。並應發心秉受。本經雖合爲八支。而秉受時。仍作九支。陳說無過。蓋文有開合。義無增減故也。此依毘婆沙等。以易於秉白故。

我某甲歸依佛歸依法歸依僧。一日一夜為淨行優

婆塞。如來至真等正覺是我世尊。三說。如或不能。師應教授。我某甲

歸依佛竟歸依法竟歸依僧竟。一日一夜為淨行

優婆塞。如來至真等正覺是我世尊。三說。次應教受戒法。

不殺生

不殺生

不偷盜

不偷盜

不婦欲

不婦欲

不妄語

不妄語

如諸佛盡壽

不飲酒

我某甲一日一夜

不飲酒

不著香華鬘不塗身

不著香華鬘不塗身

不翫伎不往觀聽

不翫伎不往觀聽

不坐高廣大牀

不坐高廣大牀

不非時食

不非時食

我今以此八關戒齋功德。四恩總報。三有齊資。普與

衆生。同生淨土。

前之八支各戒。不非時食。為齋。故名八關戒齋。

薩婆多毘婆沙云。受八齋法。應言一日一夜不殺

生。令語言決絕。莫使與終身戒相亂。佛本制一日


一夜。不得過限。若有力能受。一日過已。次第更受。

隨力多少。不計日數也。夫受齋法必從他受。於五
衆邊。優婆塞戒經云。若先遣信欲刑戮人。信遲
未至其人。尋後發心受齋。當受齋時。信至卽殺。雖
後一時。以戒力故。不得殺罪。若諸貴人。常勅作惡。
若欲受齋。先當敕語。遮先諸惡。乃得成就。若先不
遮。輒便受齋者。不名得齋。欲受齋者。先當宣令所
屬國境。我欲受齋。凡是齋日。悉斷諸惡。罰戮之事。

弟子諸智勝爲。空室沈智音。發心刻此。
齋經科註。一卷。伏願智音。三障消除。二嚴。九備。蓮
開。一品之華。

佛授一生之記。普與衆生。同圓種智。





入
廿
二